

Izjava Ambasadora Munro-a o “Akcionom planu” za Grad Mostar

U svjetlu naknadnih medijskih izvještaja koja se odnose na navodno usvajanje “Akcionog plana” za Grad Mostar, Zamjenik Visokog predstavnika i Šef Ureda Visokog predstavnika (Jug), Ambasador Colin Munro, bi želio u cijelosti ponoviti svoju izjavu datu na jučerašnjoj konferenciji za novinare:

“Želio bih pojasniti stav u vezi “Akcionog plana” za Grad Mostar, kojeg su sročili neki od članova Gradskog vijeća. Suprotno medijskim izvještajima, ovaj Plan nije usvojen na sjednici Vijeća održanoj 24. septembra. Štaviše, procedure primijenjene kako bi se obmanuli mediji i ostali, te povjerovali da on jeste usvojen, neprihvatljive su u demokratskom društvu zasnovanom na vladavini zakona. Obmana neizbježno dovodi u pitanje istinsku predanost onih koji su nadležni za procedure demokraciji i mnogim dobrim ciljevima sadržanim u Planu.

Stoga sam svoju zabrinutost iznio predsjedniku Gradskog vijeća i nekolicini njegovih kolega na sastanku održanom 25. septembra. Saglasili smo se da Plan zaista nije bio usvojen od strane Vijeća. On ni u kojem smislu ne obavezuje gradonačelnika i zamjenika gradonačelnika, kao ni međunarodnu zajednicu. Takođe smo se saglasili kako su dani rokovi daleko od realnih.

Saglasili smo se kako bih narednog mjeseca trebao održati sastanak sa članovima svih političkih stranaka zastupljenih u Gradskom vijeću kako bismo raspravili način kako krenuti dalje. Naglašavam kako to neće biti sastanak Gradskog vijeća kao takvog. Na tom ću sastanku detaljnije pojasniti stav OHR-a, kao i međunarodne zajednice, o suštinskim prijedlozima

sadržanim u Planu. Proceduralni prijedlozi u smislu pozicije gradonačelnika, zamjenika gradonačelnika i ostalih u tijelima vlasti uopšte neće biti temom razgovora.

Većina bitnih tačaka iz nacрта Plana već su nekoliko godina teme intenzivnih napora međunarodne zajednice i Mostaraca dobre volje koji pokušavaju Mostar učiniti onim što je bio prije rata – tolerantna, višenacionalna, prosperitetna, urbana zajednica. U potpunosti dijelim frustracije i razočarenje autora nacрта Plana u vezi činjenice da je, više od sedam godina od potpisivanja Washingtonskog sporazuma, gotovo šest godina nakon potpisivanja Daytonskog sporazuma, te unatoč ogromnim materijalnim naporima Evropske Unije i drugih dobrotvora, ovaj grad, u suštini, podijeljen. Većina tačaka iz nacрта Plana jesu relevantne za prevazilaženje podjele grada.

Ali važno je biti realan. Politika nije samo umjetnost mogućega. Uspjeh ovisi u povjerenju i saradnji koja je u ovom slučaju tužno izostala. U narednom periodu, najveći potencijal za napretkom vidim u hitrim potezima koji vode ka ujedinjenju hitnih službi, tako da se npr. ambulantna kola koja su najbliža mjestu nesreće odazovu pozivu. Slične primjedbe odnose se i na vatrogasne službe i naravno na policiju. U vezi ovoga, želio bih odati priznanje reintegraciji koja se već dogodila. Takođe vidim i hitnu potrebu i u svakom slučaju priliku da se krene naprijed s uspostavom integrirane deponije otpada i usluga njegovog odlaganja korištenjem sistema kojeg je finansirala Evropska Unija.

Međunarodna zajednica intenzivno radi na naporima usaglašavanja zakonskih odredbi koje se odnose na Grad, Kanton i Federaciju, kako bi se osiguralo da su oni međusobno harmonizirani. Nadam se da ću za vas uskoro imati vijesti u vezi plana ponovne uspostave Gimnazije kao centra naprednog obrazovanja sa zajedničkim planom i programom, otvorenom za sve koji su sposobni da napreduju na ovom nivou obrazovanja, bez obzira na njihovu religijsku ili etničku pripadnost.

Izjavu privodim kraju pozivom svima onima koji su na izabranim dužnostima u ovome gradu da u narednome periodu posvete više pažnje razrješavanju pravih materijalnih problema, zajedničkih svim Mostarcima, a manje političkim mudrolijama, koje jedino mogu unazaditi ciljeve ekonomskog i društvenog razvoja, političke stabilnosti i naravno reintergracije”.